

## काछबा काछबी रि कथा

काछबो न काछबी रहता समंद में , लेता हरि रो नाम  
भक्ति रे कारण बाहर आया , कीन्हा संतो ने प्रणाम  
संतो रे शरणे पडिया जी , झटक झोळी में भरिया जी  
कळप मत काछब कूडी ओ , सांवरिया री रीतां रूडी ओ  
भक्ति रो भेद नी पायो जी , सांवरियो नेचे आयो जी

संत लेय हांडी में धरिया , तळे लगाई आग  
केवे काछबी सुण रे काछबा , थारे हरी नें बताय  
कठे थारो सारंग प्राणी रे , मौत री आ ही निशाणी रे  
भक्ति रो भेद नी पायो जी , सांवरियो नेचे आयो जी

आडी जळूं में ऊबी जळूं रे , जळ गई जाळोजाळ  
कदे नी आवे सांवरो थारो , प्राण निकळ्यो जाय  
कठे थारो मोहन प्राणी रे , मीठोडी मुरली वाणी रे  
कळप मत काछब कूडी ओ , सांवरिया री रीतां रूडी ओ

बळती होवे तो बैठ ज्या पीठ पर , राखूं थारो प्राण  
निंद्रा मत कर म्हारे नाथ री , राखूं थारो प्राण  
हरी म्हारो आसी वारूं रे , जीवों ने तारण वाळो रे  
कळप मत काछब कूडी रे , सांवरिया री रीतां रूडी रे

काची नींद में सूतो सांवरो , मोडी सुणी रे पुकार  
बळती अगन सूं तारिया जी , काछब नें किरतार  
वाणी भोजो जी गावे रे , टीकम दा राय बतावे रे  
लहरी मेहरा गाय सुणावे रे , चँचल भाई म्युजिक बजावे रे  
कळप मत काछब कूडी रे , सांवरिया री रीतां रूडी रे

<https://www.bhajanganga.com/bhajan/lyrics/id/12495/title/kachba-kachbi-ri-katha>

अपने Android मोबाइल पर [BhajanGanga](#) App डाउनलोड करें और भजनों का आनंद ले |